

Dužnosti djeteta

<"xml encoding="UTF-8?">

Poticanje na moljenje za djecu



وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا

I oni koji govore: „*Gospodaru naš, podari nam u ženama našim i djeci našoj radost i učini da se*
[čestiti na nas ugledaju!“¹

رَبِّ اجْعَلْنِي مُقِيمَ الصَّلَاةِ وَمِنْ ذُرِّيَّتِي رَبَّنَا وَتَقَبَّلْ دُعَاءِ

Gospodaru moj, daj da ja i neki potomci moji održavamo klanjanje; Gospodaru naš, Ti usliši,
moljenje moje!“²

Allahov Poslanik, s.a.v.a., je rekao: „*Moljenje roditelja za dobro stanje djeteta je poput vode za*
[*dobro stanje usjeva.*“³

Dužnosti djeteta prema roditeljima

وَوَصَّيْنَا الْإِنْسَانَ بِوَالِدَيْهِ حَمَلَتْهُ أُمُّهُ وَهْنًا عَلَى وَهْنٍ وَفِصَالُهُ فِي عَامَيْنِ أَنْ اشْكُرْ لِي وَلِوَالِدَيْكَ إِلَيَّ الْمَصِيرُ

Mi smo naredili čovjeku da bude poslušan roditeljima svojim. Majka ga nosi, a njezino zdravlje trpi, i odbija ga u toku dvije godine. Budi zahvalan Meni i roditeljima svojim, Meni će se svi vratiti.^[4]

Allahov Poslanik, s.a.v.a., na pitanje o pravu roditelja u njihove djece, odgovorio je: „*Oni su tvoj*
Džennet i tvoj Džehennem.“^[5]

Allahov Poslanik, s.a.v.a., je rekao: „*U pravo roditelja u njegova djeteta pripada da mu bude ponizan i u srdžbi, i u izmorenosti.*“ [6]

Allahov Poslanik, s.a.v.a., je rekao: „*Onaj ko rastuži svoje roditelje, neposlušan im je.*“ [7]

Allahov Poslanik, s.a.v.a., na pitanje o pravu roditelja u njegova djeteta, odgovorio je: „*Neće ga zvati njegovim imenom, neće ići ispred njega, neće sjedati prije njega i neće ga izložiti [pogrdi.*“ [8]

Dužnosti djeteta prema učitelju

Allahov Poslanik, s.a.v.a., je rekao: „*Od koga si naučio jedno slovo, postao si mu rob.*“ [9]

Allahov Poslanik, s.a.v.a., je rekao: „*Poštivajte učene i cijenite ih!*“ [10]

Allahov Poslanik, s.a.v.a., je rekao: „*Budite ponizni učenom i visoko ga uzdižite, jer meleki sigurno uzdižu učenog, rasprostiru mu svoja krila i mole za njegov oprost.*“ [11]

Allahov Poslanik, s.a.v.a., je rekao: „*Onaj ko omalovaži učenog, mene je omalovažio, a ko mene [omalovaži, on je poricatelj.*“ [12]

Dužnosti djeteta prema starijem i prijatelju

Allahov Poslanik, s.a.v.a., je rekao: „*Mlađi će pozdravljati starijeg, onaj koji ide onoga koji sjedi i manja skupina veću skupinu.*“ [13]

Allahov Poslanik, s.a.v.a., je rekao: „*Bog je u pomoći čovjeku sve dok je čovjek u pomoći svome bratu.*“ [14]

Allahov Poslanik, s.a.v.a., je rekao: „*Susreći svoga brata vesela lica!*“ [15]

Allahov Poslanik, s.a.v.a., je rekao: „*Vjernik je ogledalo vjerniku: dobronamjieran je prema njemu u njegovoj odsutnosti, otklanja od njega ono što ne voli u njegovoj prisutnosti i pravi mu mjesto gdje se sjedi.*“ [16]

Allahov Poslanik, s.a.v.a., je rekao: „*Najbolji je vaš brat onaj koji vam ukazuje na vaše [nedostatke.*“ [17]

-
- El-Furkan, 74. [1]
- [2] Ibrahim, 40.
- [3] El-Firdevs, sv. 2, str. 213, predaja 3038.
- [4] Lukman, 14.
- [5] Sunenu Ibn Madže, sv. 2, str. 1208, predaja 3662.
- [6] Tarihu-l-Medine, sv. 2, str. 568.
- [7] El-Fakih, sv. 4, str. 372, predaja 5762.
- [8] El-Kafi, sv. 2, str. 158, predaja 5.
- [9] 'Avali-l-leali, sv. 1, str. 292, predaja 163.
- [10] Firdevsu-l-ahbar, sv. 1, str. 109, predaja 233.
- [11] El-Firdevs, sv. 2, str. 45, predaja 2263.
- [12] Iršadu-l-kulub, str. 165.
- [13] Sahihu-l-Buhari, sv. 5, str. 2301, predaja 5877.
- [14] Sahihu Muslim, sv. 4, str. 2074, predaja 38.
- [15] El-Kafi, sv. 2, str. 103, predaja 3.
- [16] En-Nevadir li-r-Ravendi, str. 99, predaja 56.
- [17] Tenbihu-l-havatir, sv. 2, str. 123